

Pagina Rumantscha

Objektyp: **Group**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **70 (2008)**

Heft 4: **Jahr der Mathematik**

PDF erstellt am: **21.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Fantom «qualitad»

in plaid per l'entschatta digl onn da scola

DA MARTIN MATHIUET

Tochen ch'jeu deval aunc scola era quei mintg'onn il medem; la fin digl onn da scola erel jeu bi leds ch'ei deva vacanzas – mo cuort suenter 1. d'uost sereghegliava il gust ed igl anim per gl'onn niev puspei. Cun ardur mavel jeu vid la preparaziun e planisaziun digl onn niev. Secapescha adina cun la perschasiun e l'intenziun da far buna lavur – respectiv da far mi'instrucziun d'aulta qualitad. Mo era sch'jeu erel perschuidus da mia lavur – buca tuts (ed oravontut «tuttas») eran da miu meini e magari stuvel jeu acceptar critica. Mia disillusiuin era – suenter haver luvrau sc'in morder – magari gronda ed jeu durmevel meinsvart

mal. Magari savevel jeu buca capir ch'ins sappi esser d'in auter meini quei che partegn «qualitad dalla scola». Denton hai jeu acceptau che «qualitad da scola» ei in fantom subjectiv che mintgin(a) definescha empau sco el vul – fetg dependent dall'atgna situaziun!

Delia, la feglia dall'emprema classa da miu vischin, ha detg tscheidi alla scolasta; «Ti eis buca ina buna scolasta!» Quei ha dau la caniala; la scolasta ha citau ils geniturs, schau saver tgei frehadad quei seigi d'ina pischarotta dall'emprema da disqualificar ella sin tala moda – e lu aunc avon tut tschels affons. Ella seigi s'engaschada cun «tgierp ed olma» e «vivi per la scola» ed accepti buca da quellas


renfatschas nungustificadas d'ina buoba bletscha. Ella furia ha ella alzau la vusch e bunamein craschlau si per bab e mumma dalla Delia; ei detti plunas da scolastas e scolasts ch'instrueschien senza la patentia corrispundenta – quei seigi manco da qualitad. E si Duvin detti aunc adina ina scola cumplessiva – quei stuessi esser scumandau – muort munconza da qualitad. Ed insumma classas cun varga vegn scolars seigi in «schan ed ina vergugna» per ina scola grischuna.

Mo ils cussegls da scola hagien buc idea e seigien surdumandai ed il meinascola seigi scolast secundar e capeschi «dils pigns» ina pipa tubac. Era sch'il Departament d'educaziun propageschi d'installar meinascolas, il fatg seigi che quei effectueschi dapli problems che sligiazuns, ed insumma, ella lessi finalmein luvrar en tutta ruasseivladad.

Sch'jeu patratgel anavos a mes temps da scolast hai jeu pil ver capientscha per quella paupra scolasta! Mo denton ein ils temps semidai empau!

In bien criteri per «qualitad professionala» dil persunal d'instrucziun ha il cau dil departament d'educaziun dil cantun Aargau, Rainer Huber, allegau a caschun dalla radunonza da delegai digl LCH dacuort: ...Daneben brauche es allerdings auch «die Fähigkeit, sich mit einer gewissen professionellen Gelassenheit einzugestehen, dass man nicht immer in allen Fällen in der Lage ist, sämtlichen Anforderungen und Bedürfnissen gerecht zu werden».

Quella «quieteza professionala» gjavischel jeu a Vus egl onn niev da scola! – quei denton sco competenza e buca sco stgisa marscha!



PLEMA D' AUR 2008

RANGAZIUN PLEMA D' AUR 2008

16 da november allas 16.00 el Center da lungatg, cultura e formaziun, Via curtgin pign 35 7031 Laax (anterior hotel Arena Alva)

Plema d'aur e Miur romontscha 2008

Per la tiarza gada vegnan las meglieras lavurs publicadas en in cudischet.

Biebein 40 persunas da tuttas vegliadetgnas espriman en quei cudisch lur sentiments, descrivan eveniments, relatan d'experiences e siemian d'utschals barsai e dalla tiara dalla cucagna.

Plema d'aur 2009 e Miur romontscha 2009

La Lia Rumantscha envida Tei alla concorrenza litterara romontscha. Quella ei aviarta per in e scadin. Per la quarta gada vegnan las meglieras lavurs publicadas en in cudischet.

- inoltescha tiu text currigiu 3 x sin pupi ed 1 x sin disc cumpact (!). (raquintaziuns, novellas, historias cuortas, satiras, poesias, teaters)
- indichescha sil text mo tiu pseudonim (buca tiu num endretg!)
- tias personalias (prenum, num, adressa, np, liug, telefon, e-mail e tiu pseudonim) mettas en ina cuviarta separada.

davos termin d'inoltrar ils texts ils 31 da schaner 2009

inoltrar tier

Lia Rumantscha Surselva
Via Curtgin pign 35, 7031 Laax
telefon 081 920 80 70, telefax 081 921 80 72
Irsurselva@rumantsch.ch, www.Irsurselva.ch

categorias Plema d'aur 2009
A: affons da 7-9 onns
B: affons da 10-12 onns
C: giuvenils da 13-16 onns
D: carschi da 17 ed ensi

categoria Miur romontscha 2009
E: tgi ha la pli biala pagina d'internet romontscha? Annunziei l'adressa da Vossa pagina d'internet e gia essas en concorrenza!